



石鼓諺 燕山有石鼓望若數百石困石梁貫之其東南有石援桴狀若擊勢故諺云

石鼓鳴土有兵

西河語 幽并涼地宜東薺故西河語曰



貸我東薺償我田梁

東海語 東海島龍川穆天子養八駿處有草名龍芻馬食之一日千里故古語云

一株龍芻化爲龍駒

遼海語 遼海梁水有魴特肥美故其鄉語曰

居就梁水有魴

穀語 穀有二陵在弘農澠池縣其語曰

東穀西穀澠池所高

隴頭歌 隴西隴山其上萬石泉水溢漫散而下溝澮皆注故北人升此而歌云

隴頭流水流一作離四下念我行役飄然曠野登高望

遠涕零雙墮

隴西謠 隴西四地宜畜牧故謠云

郎樞女樞十馬九駒安陽大角十牛九犢

三秦謠

武功太白去天三百孤雲兩角去天一握山水險阻黃

金子午蛇盤烏櫛勢與天通

南山語 終南山半有橫雲如瀑布則澍雨人常以為驗候故語云

南山瀑布非朝即暮

紇其山歌 紇其山望之數百里內夏恒積雪又本神泉人為之歌曰

紇其山頭凍死雀何不飛去生處樂

紇其山頭有神井入地千尺絕骨冷

馬頰語 扶嘉胸認人預占吉凶多奇中嘗語云云蓋謂雲陽馬頰山也

三牛對馬頰不出貴人出鹽井

夔道謠 瀘水自朱提至夔道有水步道有黑水羊官水至嶮難三津之阻行者苦之俗語曰

檜溪赤木盤蛇七曲盤羊烏櫛氣與天通

綿州巴歌

豆子山打瓦鼓揚平山撒白雨下白雨取龍女織得絹

二丈五一半屬羅江一半屬玄武

蜀謠

汶阜之山江出其腹帝以會昌神以建福

武陽山遺詠

峨山縣東北有武陽龍尾山並仙者羽化之處於其處得遺詠

登武陽觀樂數

一作峨嶺千蕤洋湖口命蜚螭駕白駒

臨天水心踟躕千載後不知如

滠豫歌

白帝城西江中有滠豫石冬出二十餘丈夏則沒亦有裁出焉江水東逕廣溪峽乃

三峽之首也中有瞿塘黃龕二灘夏水回復公派所思故行者歌之滠預或作滠預亦作滠預

滠預大如馬瞿塘不可下滠豫大如象瞿塘不可上

滠預大如牛瞿塘不可流

滠預大如襍瞿塘不可觸金沙浮轉多桂浦忌經過

三峽謠

峽中有難名黃牛灘南岸重嶺疊起最外高崖間有石如人負刀牽牛人黑牛黃成

就分明人跡所絕莫得究焉此巖既高加江湍紆迴難途逕信宿猶望見之故行者謠云

朝見

發

黃牛暮見

一作

黃牛三朝三暮黃牛如故

巴東三峽歌

巴東廣溪峽西陵峽七百里中兩岸連山非亭午夜分不見日月自

黃牛灘入西陵界林木高茂猿鳴至清山谷傳響泠泠不絕行者聞之莫不懷土故漁者歌曰

巴東三峽巫峽長猿鳴三聲淚沾裳

灘頭白勃堅相持倏忽淪沒別無期

江湘歌

江湘七百里中有九背故漁者歌云

帆隨湘轉望衡九面

漢水諺

漢水東澗灘冬則水淺而下多大石又淨難夏水急盛川多湍洑行旅苦之故諺云

冬滂夏淨斷官使命

峴山語

峴山張蓋雨滂沛

綠蘿山歌

武陵綠蘿山素巖若雪松如插翠流風叩阿有絲桐之韻土人歌曰

仰茲山兮迢迢層石構兮嗟峨朝日麗兮陽巖落景梁

一作陽

兮陰阿鄣壑兮生音吟籟兮相和敷芳兮綠林恬

淡兮潤波樂茲潭兮安流緩爾權兮詠歌

匡廟詩

廬江匡先生廟舟人往來致禱能分風送之晉曹毗為詩云

分風為貳擘流為兩

吳諺

言吳地多產蠶出可以蠶生奉養丹徒土堅緊如蠶可以焚也

生東吳死丹徒

錫山銘

晉陵錫山周秦間曾產錫故名有樵者於山下得篆書云云相傳以為古銘

有錫兵天下爭無錫寧天下清有錫治天下弊無錫又

天下濟

吳石鼓詩

吳郡臨平有石鼓張華令取蜀桐材刻魚形叩之聲聞數十里故劉道民詩曰

事有遠而合蜀桐鳴吳石

射的山諺

山遠望狀若射侯故名射的山土人以驗年之登否諺曰

射的白斛米百射的玄斛米千

月山語

日南有月山時人為之語曰

東有日山西有月年年征戰無休歇

合浦諺

合浦郡有鬼門關自此而南尤多瘴癘至者罕得生還諺云

鬼門關十人去一人還

南海諺

珠為蛇所吐者曰蛇珠為龍所吐者曰龍珠蛇珠賤故南海諺曰

蛇珠千枚不及玫瑰

種千畝木奴不如一龍珠

越語

合澗有牡蠣亦謂蠔南土人重之語云

得合澗一蠟雖不足豪亦可以高

嶺表諺

瓊州多溪礪中有石鱗次乘牛過者皆促蹄躍之或失即隨流而下故諺云

跳石牛骨碌好笑復好哭

匈奴歌

馬支祁連二山皆美水草匈奴歌之曰

失我焉支山令我婦女無顏色  
失我祁連山使我六畜不蕃息

臨海諺

安家夷好噉猴頭羹又製魚肥炙食甚美故諺云

能負人千石之粟不願負人猴頭羹

寧去累世田宅不去鯨魚炙額

大秦諺

大秦國隔海心無憂患輒遇善風二十日得度若憂即數年不得度故諺曰

心無憂患不經二旬心若憂患遠離三春

古詩

安得香水泉濯郎衣上塵

吳故宮有香水溪西施浴處人呼脂粉塘

安得沙棠木剗以為舟船

漢成帝與趙飛燕遊太液池以崑崙山之沙棠木為舡

安得天雨金使金賤如土夏禹時天雨金三日又雨稻

安得天雨稻飼我天下民

石犬不可吠銅駝徒爾為魏武帝陵下有銅駝石犬各二

僊歌謠辭

赤松子大棗詩北方荒中有棗林實長六七寸氣味潤澤殊於常棗故赤松子詩云

北方大棗味有殊既可益氣又安軀

甯先生遊海詩先生在黃帝前常遊蘭沙去中都萬里沙如細塵有花千年一開名

青藍花又有魚飛塵霧中先生食飛魚而死臥沙百餘年蹶然而起形容復故乃作詩曰

青藍一作飛魚灼灼千載舒百齡暫死食一作餅

方回語方回堯時隱人也堯聘以為閭士鍊食雲母亦與民人有病者隱於五柞山中夏啓

未為宦士為人所切閉之室中從求道因化去更以泥掩封其戶時人語曰

得方回一丸泥塗門戶終不可開

遊南嶽讚舜葬蒼梧之野有鳥如雀常遊丹海之際時來蒼梧之野銜青砂珠積成壘阜

名曰珠丘冥珠輕細風吹如塵起名曰珠塵今蒼梧之外山人採藥時有青石圓潔如珠服之不死故仙人方回遊南嶽有七言讚

珠塵圓潔輕且明有道服者得長生

葛由綏山謠葛由者羌人也周成王時好刻木羊賣之一旦騎羊而入西蜀蜀中王侯

貴人遣之上綏山隨之者不復皆得仙道故里諺云

得綏山一桃雖不得仙亦足以豪

穆天子黃澤謠周穆王東遊於黃澤使宮樂謠云

黃之池一作陀其馬歎沙皇人威儀黃之澤其馬歎玉皇人受穀

西王母白雲謠

乙丑穆天子觴西王母于瑤池之上西王母為天子謠云云天子答

之云云天子遂驅升于弇山乃紀其跡于弇山之石而樹之槐眉曰西王母之山還歸于世民作憂以吟云云

白雲在天山際

古陵字

自出道里悠遠山川間之將子無

死尚能復來

予歸東土和治

一作洽

諸夏萬民平均吾顧見女比及三

年將復而野

比徂西土爰居其野虎豹為羣於鵲與處嘉命不遷我

惟帝天子大命而不可稱顧世民之恩流涕涕隕吹笙

鼓簧中心翔翔世民之子唯天之望

一作西王母吟云徂彼西土爰居其

所虎豹為羣鳥鵲與處嘉命不遷我惟帝女彼何世民又將去予吹笙鼓簧中心翔翔世民之子維天之望

採薪人歌

周宣王時郊聞採薪之人行歌云云時人莫能知之老君曰此活國中其語

秘矣斯皆修習無上真正之道也或云長桑公子常散髮行歌曰巾金巾入天門呼長精吸玄泉鳴天鼓養丹田柱下史聞之曰彼長桑公子所歌得服五星守洞房之道

巾金巾入天門呼長精歛玄泉鳴天鼓養泥丸

乞食公歌

楚莊公時市長宋來子常灑掃一市時有乞食公入市經口乞而歌一市人無

解歌者獨來子忽悟疑是仙人乃師乞食公棄官追逐積十三年公遂授以中山之道來子今在中嶽乞食公者西嶽真人馮延壽周宣王時史官也天庭是兩眉之間華庭是兩眉之下手

為天馬鼻下為山源

天庭發雙華山源障陰邪清晨按天馬來詣太真家直人無那隱又以滅百魔

巴謠歌

秦始皇三十一年九月庚子茅盈高祖濛於華山之中乘雲駕鶴白日昇天先是時有巴謠歌云云始皇聞謠歌而問其故父老具對曰此仙人之謠歌勸帝求長生之術於是始皇欣然乃有尋仙之志因改臘曰嘉平

神仙得者茅初成駕龍上昇入太清時下玄洲戲赤城繼世而往在我盈帝若學之臘嘉平

茅山父老歌

茅盈咸陽人也得道隱句曲邦人因改句曲為茅君之山時盈二弟俱貴

陽句曲山秉治良常之山盈為司命真君東嶽上卿於是盈與二弟決別俱去固衷留治此山漢平帝元壽二年也內法既融外教坦平爾乃風雨以時五禾成熟疾癘不起暴害不行父老歌曰

茅山連金陵江湖據下流三神乘白鶴各在一作一山

頭佳雨灌畦稻陸田亦復周妻子保堂室使我無百憂

白鶴翔青天一作何時復來遊

韓終采藥詩

閩河之北有紫桂成林其實如棗羣仙餌焉故韓終采藥詩云

閩河之桂實大如棗得而食之後天而老

玉童謠

漢初有四五小兒戲於路中一兒歌云云時人莫知唯張子房知之乃往拜焉曰此乃東王公之玉童也仙人得道昇天當揖金母而拜木公自非冲虛登真之子莫知其津矣

著青裙入天門揖金母拜木公

安公赤雀辭

陶安公者六安鑄冶師也數行火火求哀須臾朱雀止冶上云云至期赤龍到大雨而安公騎之東南上

安公安公冶與天通七月七日迎汝以赤龍

丁令威歌

丁令威者遼東人漢初隨師學得仙道分身任意所欲嘗暫歸化為白鶴集郡城門華表柱頭時有少年舉弓欲射之鶴乃飛襄狗空中而言云云遂高上冲天

有鳥有鳥丁令威去家千歲今來歸城郭如故人非

何不學仙塚纍纍

蘇耽歌

蘇耽桂陽人少以至孝著稱一日白母道果已圓升舉有日母曰吾獨恃爾爾去吾何依耽乃留一櫃封鑰甚固若有所需告之如所願也預為植橘鑿井及郡人大疫但食一橘

葉飲一泉水即愈後一鶴降郡屋久而不去郡僚子弟彈之鶴乃舉足畫屋若書字焉其辭云

云或曰耽騎白鶴來止郡城東北樓上人或挾彈彈之鶴以爪櫻樓板似漆書云

鄉原一別重來事非甲子不記陵谷遷移白骨蔽野青

山舊時翹足高屋下見羣兒我是蘇仙彈我何為翻身

雲外却返吾居

張麗英石鼓歌

漢時張芒女名麗英面有奇光不歸我是蘇仙彈我何為吳芮聞其異質領兵來聘女時年十五聞芮來乃登金精山仰臥披髮覆于石鼓之下人謂之死芮使人往視之忽見紫雲鬱起遂失女所在石上留歌一首至今石鼓一處黑色直下狀女垂髮時人號為張女髮

石鼓石鼓悲哉下土自我來觀民生實苦哀哉世事悠

悠我意我意不可辱今王威不可奪余志有鸞有鳳自  
歌自舞歌舞二字疑倒凌雲歷漢遠絕塵羅世人之子其如我  
何暫來期會運往即乖父兮母兮無傷我懷

車子侯歌

車子侯者扶風人漢武帝愛其清淨稍遷其位至侍中一朝語家云我今補仙官此春應去至夏中當暫還還少時復去如其言武帝思之乃作歌曰

嘉幽蘭兮延秀葦妖嬈兮中澹華斐斐兮麗景風襄徊  
兮流芳皇天兮無慧至人逝兮仙鄉天路遠兮無期不  
覺涕下兮霑裳

法嬰玄靈之曲

二首武帝元封元年七月七日西王母降于漢宮王母自設天厨精妙非常酒觴數遍王母命諸侍玉女作樂命法嬰歌玄靈之曲乃遣侍女招上元夫人夫人至

自彈雲琳之琴歌步玄之曲

大象雖廓廖我把天地戶披雲沈靈輿倏忽適下土空  
洞成玄音至靈不容冶太真嘘中唱始知風塵苦願神  
三田中納精六闕下遂乘萬龍椿馳騁盼九野  
玄圃遏北臺五城煥嵯峨啓彼無涯津汎此織女河仰  
止升絳庭下游月窟阿顧盼八落外指招九雲遐忽不  
覺心榮豈吾少與多撫璈命衆女詠歌發中和妙暢自  
然樂爲此玄雲歌韶盡至韻存真音辭無邪

上元夫人步玄之曲

上元夫人道君弟子也亦玄古以來得道總統其真籍亞

於龜臺金母所降之處多使侍女相聞以爲賓侶焉

昔涉玄真道騰步登太霞負笈造天關借問太上家忽  
 過紫微垣真人列如麻淥景清飈起雲蓋映朱葩蘭宮  
 敞朱闕碧空起一作室啓瑤沙丹臺結空構暉暉生光華飛  
 鳳蹏薨峙燭龍倚委蛇玉胎來絳芝九色紛相拏挹景  
 練仙骸萬劫方童牙唯言壽有終扶桑不為查

田四妃歌

西王母又命侍女田四妃答歌云云

晨登太霞宮挹泚把玉蘭夕入玄元闕采藥掇琅玕濯  
 足匏瓜河織女立津盤吐納挹景雲味之當一餐紫微  
 何濟濟瑤輪服朱丹朝發汗漫府暮宿勾陳垣去去道  
 不同且各體所安二儀設猶存奚疑億萬椿莫與世人

說行尸言此難

太真夫人詩

太真夫人王母小女也名婉羅字勃  
 遂事玄都太真王有子為三天太上  
 府都官年少數委官遊逸有司奏劾降主東嶽  
 有馬明生者齊國臨淄人本姓和字君寶少為  
 縣吏捕賊所傷殆死遇夫人適東嶽見而憫之  
 出藥一丸服之立愈君寶乃更姓名自號馬明  
 生隨夫人執役及夫人被太上召還將別以明  
 生屬安期先生因以詩二篇贈之

暫捨墉城內命駕岱山阿仰瞻太清闕雲樓鬱嵒我虛  
 中有真人來往何紛葩鍊形保自然俛仰食一作挹太和  
 朝朝九天王夕館還西華流精可飛騰吐納養青牙至  
 藥非金石風生自然歌上下凌景霄羽衣何婆娑五嶽  
 非妾室玄都是我家下看榮競子篤似蛙與蟆顧盼塵

濁中憂患自相羅苟未悟妙旨安事於琢磨禍湊由道  
泄密慎福臻多

昔生崑陵宮共講天年延金液雖可遐未若太和仙仰  
登冥仙臺虛想詠靈人忽遇扶桑王九老仙都真駕驂  
紫虬輦靈顏一何鮮啓我尋長途邀我自然津告以鴻  
飛術受以玉胎篇瓊膏凝玄炁素女爲我陳俯挹琳鳳  
腴仰上飄三天雲網立爾步五嶽可暫旋玄都安足遠  
蓬萊在脚間傳受相親愛結友爲天人替卽游刑對禍  
必無愚賢祕則享無傾泄則軀身顛

馬明生詩

明生隨安期負笈周遊天下二十年中  
辛苦備嘗安期乃曰子有仙骨授以太

清金液丹方明生入華陰山餌之白日昇天臨  
去爲詩三首時漢光和三二年也

太和何久長人命將不永喻如朝露晞奄忽睡覺頃生  
生世所悞傷生由莫靜我將尋真人澄神挹容景盤桓  
崑陵宮玄都可馳騁涓子牽我遊太真來見省朝朝王  
母前夕歸鍾嶽嶺仰採瓊瑤葩俯漱琳琅井千齡猶一  
刻萬紀如電頃

天地自有常人命最險毳年若驚弦發時猶輕矢逝雖  
有灼灼姿玉爲塵土穢林草無秋輝綠葉豈終歲惜此  
繁茂摧哀彼寒霜厲有存理必亾有興故有廢真官戲  
玄津與物無疑滯神冲紫霄內形棲山水際對虛忘有

懷遊目託容裔風塵將何來真道故可大

濁塗諒爲歎世樂豈足預振褐掃塵遐飄飄獨遠舉寥  
寥巖嶽際蕭蕭縱萬慮靈真與我遊落景乘鴻御朝乘  
雲輪來夕駕扶搖去嗷嘈天地中囂聲安得附

陰長生詩

陰長生新野人漢世祖皇后之親屬也  
從馬明生學度世之道後於忠州丰都

山中白日昇天臨去著詩三首

維予之先佐命唐虞爰逮漢世紫艾重紆予獨好道而  
爲匹夫高尚素志不事王侯貪生得生亦又何求超跡  
蒼霄乘飛駕浮青要承翼與我爲仇入火不灼蹈波不  
濡逍遙太極何慮何憂遊戲仙都顧憫羣愚年命之逝

如彼波流奄忽未幾泥土爲儔馳走索死不肯暫休  
予之聖師體道知真昇騰變化松喬爲鄰維予同學一  
十二人寒苦求道歷二十年中多怠墮志行不堅痛乎  
諸子命也自天天不妄授道必歸賢身投幽壤何時可  
還嗟爾將來勤加精研勿爲流俗富貴所牽神丹一成  
升彼九天壽同三光何但億千

維予垂髮少好道德棄家隨師東西南北委放五經辟  
世自匿二十餘年名山之側寒不遑衣饑不暇食思不  
敢歸勞不敢息奉事聖師承悅顏色面垢足胝乃敢哀  
識遂傳要訣恩深不測妻子延年咸享無極黃白旣成

貨財千億役使鬼神玉女侍側予得度世神丹之力

鍊丹歌 陰真人作

有物有物可大可久採乎蠶食之前用乎火化之後成  
湯自上而臨下夸父處中而見受氣應朝光功參夜漏  
白英聚而雪慚黃酥凝而金醜轉制不已神趨鬼驟金  
歟玉歟天年上壽無著於文訣之在口

長安謠

陰生常於渭橋下作乞兒日從市中乞市人厭苦以糞灑之旋復在市中衣如故長吏收之繫著桎枯而續在市中乞又械欲殺之乃去洒者家室自壞殺十餘人故長安謠曰

見乞兒與美酒以免破屋之咎

王暉詩

道士王暉魏時人白羊公子弟子居華嶽熊牢嶺常種黃精溪側虎為之耕豹為之

耘出入亦乘虎豹餌黃精蒼木後以道術傳王法冲尸解而去嘗著秘訣人莫能曉其辭曰

黃帝昇鼎湖乘素入紫烟明精陰不久運往馳龍旋枯  
悴林將凋鮮鱗沈深淵遊仙騰霞觀喜作歲月綿晝占  
勿龜兆夕唱良有緣中嶽鎮和氣般輪共成篇若能思  
得之賜與金一餅

杜廣平常喜歌

杜契字廣平京兆杜陵人初依孫策黃武二年學道隱居華陽

淳景翳廣林曖日東霞升晨風儻六烟勃鬱八道騰五  
嶽何必秀名山亦足陵矯首躡洞阜悽心潛中興吐納  
胎精氣玄白誰能勝

葛仙公歌

葛玄字孝先句容人天才超軼名振江左入赤城山精思學道吳赤烏七年八

月十五日白日昇天弟子鄉朋攀戀不已於是  
仙公駐駕空中賦五言詩三篇

真人昔遺教愍念孤癡子  
嬖邪不信道禍亂由斯起身  
隨朝露晞悔恨何有已罪大不可掩  
流毒將誰理冥冥未出期劫盡  
方當止轉輪貧賤家仍復為役使  
四體或不完斃行乞市不知積罪報  
怨天神不恃大道常無為弘之由善  
始吾今獲輕舉脩行立功爾三界盡  
稽首從容紫宮裏停駕虛元中人生  
若流水臨別屬素翰粗標靈妙紀

我今便昇天愍念諸儒英  
大道體虛無寂寂中有精視之若冥  
昧窈窕中昭明莫言道虛誕所患不至  
誠奚不

登名山誦是洞真系一諷而一詠  
玄音徹太清太上靈金容衆仙齊應  
聲十方散香花燔烟梅檀馨皇娥奏九  
韶鸞鳳諧和鳴龍駕翳空迎華蓋曜杳  
冥脩閑劫仞臺帝釋歛降庭八王奉丹  
液挹漱身騰輕逍遙有無間流朗絕形  
名神童夾侍側自然朝萬靈飄飄八景  
輿遊衍白玉京七祖昇福堂先亡悉超  
生王侯能篤信必為天下貞大人體至  
德一切蒙其成

散誕遊山水吐納靈和津鍊氣同希夷  
靜詠道德篇至心宗玄一冥感今乃宣  
飛駕御九龍飄飄乘紫烟華景曜空衢  
紅雲擁帝前暫迂蓬萊宮倏忽已賓天  
偉偉衆

真會渺渺凌重玄體固無終劫金顏隨日鮮歡樂太一作

上境悲念一切頑一作人誰能離死壞結是冥中緣悠

悠成至道無有入無間微妙良難測智者謂我賢若能

弘衆妙輕舉昇神仙

支道紀頌

葛仙公甫誕三日有道士支道紀來謂其父曰吾夢通玄真人降汝生奇男父令抱兒出道紀起敬曰此兒有紫氣覆之狀如寶蓋神明煥耀當為神仙因為讚曰

身雖輪聖化鬼神無暫滅宿福積重緣昔願非今日大

羅真人降仙聖含真出天龍漱香花濯我鍊胎質微言

將誰信靈期玄佑畢道心超不二混成表元一獨悟本

無想放朗大乘逸

吳猛贈山神詩

吳猛字世雲家於豫章從南海太守鮑靚學道後經廬山山神徐君迎猛猛語曰君主此山近六百年符命已盡不宜久居非據乃贈詩云

仰矚列仙館俯察王神宅曠載暢幽懷傾蓋付三益

四真人歌

南嶽魏夫人名華存字賢安晉司徒劇陽文康公舒之女也幼而好道精嘿恭介讀老莊三傳味真耽玄常欲別居開處父母不許年二十四適太保掾南陽劉文生二子乃隔離室宇齋於別寢忽有太極真人方諸青童扶桑神王清虛真人來降授夫人八索隱書黃庭等經於是四真吟唱各命玉女彈琴擊鐘吹簫合節而發太極揚排空之歌青童吟太霞之曲神王諷晨啓之章清虛咏駕歛之辭後夫人道成仙去時年八十三晉成帝咸和九年也

丹明煥上清八風鼓太霞迴我神霄輦遂造玉嶺阿咄

嗟天地外九圍一作圍皆吾家上採日中精下飲黃月華

靈觀空無中鵬路無間邪顧見魏賢安濁氣傷爾和勤

研玄中思道成更

一作矢

相過

右太極真人歌

太

一作七霞扇晨暉

一作曜

九氣無常形玄轡飛霄外八景

乘高淸手把玉皇袂攜我晨中生盼觀七曜房朗朗亦

冥冥超哉魏氏子有心復有情玄挺自嘉會金書東華

名賢安密所研相期賜谷汧

歌

一作陽洛宮右方諸青童

晨啓大帝室夕越匏瓜水碧海飛翠波連峯亦嶽峙浮

輪雲濤際九龍同轡起虎

一作羽

旂鬱霞津靈風幡然理

華存久樂道遂致高神擬拔徙三緣外感會乃方始相

期陽洛宮道成攜魏子

右扶桑神王歌

歛駕控清虛裴徊西華館瓊林既神杪

一作華館

虎旂

逐烟散慧風振丹於明燭朗八煥解襟墉

一作瓊

房裏神

鈴鳴禱粲棲景若林柯

一作阿

九絃

一作氣

玄中彈遺我積

世憂釋此千年歎怡盼無極已於夜復待旦

紫霞儂玄空神風

一作方

無綱領歛然滿八區

一作祝

爾

豁靈境

一作虛靜

八牕無常朗有冥亦有炁洞觀三丹

一作景

田寂寂生形景凝神泥丸內紫房何蔚炳大帝命我來

有以應神挺相遇女弟子雲姿卓鑠整愧無郢石運益

彼自然穎勤密攝生道泄替結災青靈期自有時攜袂

陟松嶺

右清虛真人歌二首

玉清歌

紫虛元君魏華存夫人清齋於陽洛隱元之臺西王母與金闕聖君降於臺中乘八

景輿同詣清虛上宮傳玉清隱書四卷授華存是時三元夫人馮雙禮紫陽左仙石路成太極

高仙伯延益公子西成真入王方平太虛真人南嶽赤松子桐栢真人王子喬等並降夫人小

有清虛上宮絳房之中時夫人與王君為賓主焉設瓊酥綠酒金觴四奏各命侍女陳曲成之

鈞於是王母擊節而歌以贈夫人云云雙禮珠彈雲璈而答歌云云

駕我八景輿歛然入玉清龍旌拂霄漢

一作上

虎旂攝朱

兵逍遙玄津際萬流無暫停哀此去留會劫盡天地傾

當盡無中景不死亦不生體彼自然道寂觀合太冥南

嶽挺真幹玉映輝穎精有任靡期

一作其

事虚心自受靈

嘉會絳河曲相與樂未央

玉清出九天神館飛霞外霄臺煥差我靈夏秀蔚翳五

華興翠華八風扇綠氣仰吟消魔詠俯研智與慧萬真

啓晨景唱期絳房會挺穎德音子神映乃拂沛天嶽凌

空樣洞臺深幽邃遊海悟井隘履真覺世穢儻輪宴重

空筌魚自然廢迴我大椿羅長謝朝生世

高仙盼遊洞靈之曲

玉皇又命歛生人隱室見上清元君龜山若於是二真乃

各命侍女王延賢于廣運等彈雲林琅玕之璈安德音范四珠擊昆明之筑左抱容韓賢賓吹

鳳鸞之簫趙運子李慶玉拊流金之石辛白鶴鄭辟方燕婉來田雙連等四人合歌

玉室煥東霞紫輦浮絳晨華臺何盼目此宴飛天元清

靜太無中眇眇躡景遷吟詠大洞章唱此三九篇曲寢

大漠內神王方寸間寂室思靈暉何事苦林山須臾變  
衰翁迴為孩中顏

萼綠華詩

萼綠華者仙女以晉穆帝昇平三年已未十一月十日夜降於羊權家權字道

與晉簡文帝黃門郎羊欣之祖也綠華云我本姓楊又云是九嶷山中得道女羅郁宿命時曾為其師母毒殺乳婦玄洲以先罪未滅故暫謫降臭濁以償其過贈權詩一篇并火澣布手巾一條金玉條脫各一枚又授權尸解藥亦隱影化形而去今在湘東山中

神嶽排霄起飛峯鬱千尋寥籠靈谷虛瓊林蔚蕭森羊  
生標美秀弱冠流清音棲情莊惠津超形象魏林揚彩  
朱門中內有邁俗心我與夫子族源胄同淵池宏宗分  
上葉於今各異枝蘭金因好著三益方覺彌靜尋欣斯

會雅綜彌齡祀誰云幽鑿難得之方寸裏翹想樊籠外

俱為山巖士無令騰虛翰中隨驚風起遷化雖由人藩  
羊未易擬所期豈朝華歲暮於吾子

九華真如詩

九華真如晉興寧三年乙丑六月二十五日夜與紫微王夫人降金壇楊

義家紫微曰此上真元君金臺李夫人之少女也太虛元君昔遣請龜山學上清道道成受太上書署為紫清上官九華真如賜姓安名鬱嬪字靈簫如謂楊君曰君師南真夫人司命秉權道高妙備聞君德奇甚久不期今日契冥運之會義答以沈洞下俗塵染其質高卑雲邈無緣稟敬猥虧靈降欣踊罔極唯蒙啓訓以祛其闇濟其元元夙夜所願也如曰君今語不得有謙飾良久命楊染筆授詩贈之云云義本吳人來居句容性淵懿沈厚幼有通靈之鑒長史薦之相王用為公府舍人簡文登極後去官學道得任直職輔佐東華為司命董司吳越神靈人鬼

一皆關攝焉

雲闕豎空上瓊臺疎鬱羅紫宮乘綠景靈觀藹差我琅  
 軒朱房內上德煥絳霞俯漱靈瓶津仰掇碧柰花濯足  
 玉女池鼓柅牽牛河遂策景雲駕落龍轡玄阿振衣塵  
 滓際褰裳步濁波願為山澤結剛柔順以和相攜雙清  
 內上真道不邪紫微會良謀唱納享福多

右英夫人詩

夫人名媚蘭字申林王母第十三女也為雲林宮右英夫人治滄浪山與

寧三年乙丑七月十八日夕與諸真降楊義家授詩云云時有許長史名謚字思玄一名穆世居丹陽之句容奉車都尉副之第五子為簡文帝護軍長史後為上清真人中男聯字元暉小名虎牙為郡主簿功曹小男翽字道翔小名工斧郡舉上計掾主簿不赴隱雷平山下長史及

掾雖玄挺高尚而曾燒世迹未得接真故諸真多為立辭悉楊授旨疏以示許爾

寓言必可用不用是無情焉得駕歛跡尋此空中靈微  
 音良有旨當用慎勿輕事事應神機保爾見太平

轡景落滄浪騰躍青海津絳烟亂太陽羽蓋傾九天雲  
 輿浮空洞倏忽風波間來尋冥中友相攜侍帝晨王子  
 協明德齊首招玉賢下眄八阿宮上寢希林巔漱此紫  
 瓊腴方知穢途辛佳人將安在勤之乃得親

右詩與許長史及掾

絳闕排廣霄披丹登景房紫旗振雲霞羽晨儻八風停  
 蓋濯碧谿採秀月支峯咀嚼三靈華吐吸九神芒椿數  
 無絕紀協日積童蒙攜袂明真館仰期無上皇北鈞唱

羽人玉玄粲賢衆云何波浪宇得失爲我鍾引領囂庭  
內開心擬穢衝習適榮辱域罕躡希林宮一靜安足苦  
試去視滄浪 右七月二十六日喻此

世珍芬馥交道宗玄霄會振衣尋冥疇迴軒風塵際良  
德映靈暉穎拔粲華蔚密言多儻福冲靜尚真貴咸恒  
當象順攜手同襟 一作帶何爲人事間日焉生患害 右

月二十八日夕授此與許長史

騰躍雲景轅浮觀霞上空霄駢縱橫舞紫蓋託靈方朱  
烟纏旒 一作旒羽帔扇香風電號猛獸攫雷吟奮玄龍  
鈞籟昆庭響金筑唱神鐘採芝滄浪阿掇華八溟峯朱

顏日以新劫往方嬰童養形靜東岑七神自相通風塵  
有憂哀隕我白髮翁長冥遺遐歎恨不早逸蹤

停駕望舒移迴輪返滄浪未覩若人遊偶想安得康良  
因俟青春以敘中懷忘 右二首九月三日夕吟示許長

控晨浮紫烟八景觀派流羽童捧瓊漿玉華餞琳腴相  
期白水涯揚我菱蕤珠

滄房煥東霞紫造浮絳晨雙德秉道宗作鎮真伯藩八  
臺可盼日北看乃飛元清靜雲中視眇眇躡景遷吐納

洞嶺秀藏暉隱東山久安人事上日也無虛閑豈若易  
翁質反此孩中顏 右二首九月六日夕喻許長史

晨闕太霞構玉室起霄清領畧三竒觀浮景翔絕冥丹  
華中有真金映育挺精八風鼓錦披碧樹曜四靈華蓋  
陰蘭暉紫轡策綠駟結信通神交觸類率天誠何事外  
象感須覩瑶玉瓊

右九月九日作

三景秀鬱玄霄映朗八方丹雲浮高宸逍遙任靈風鼓

翼

一作

乘素颯竦盼瓊臺中綠蓋入協晨青駟擲空同

右揖東林帝上朝太虛皇玉賓剖鳳腦嗽酣飛藥漿雲  
鈞回曲寢千音何琅琅錦旌召猛獸華幡正低昂香母  
折腰唱紫烟排棟梁總轡高闕解駕佳人房昔運挺  
未兆靈化順氣翔心眇玄涯感年隨積椿崇形垢甘臭

味動靜失滄浪我友實不爾榮辱昨已忘

右九月十八日夜作

絳景浮玄晨紫軒乘烟征仰超綠闕內俯眄朱火城東  
霞啓廣暉神光煥七靈翳映汎三燭流任自齊冥風纏  
空洞字香音觸節生手攜織女儂併衿匏瓜庭左徊青

羽旗華蓋隨雲傾宴寢九度表是非不我營抱真栖太

寂金姿日愈嬰豈似愆穢中慘慘無聊生

右九月二十五日夜作

四旌曜明空朱軒飛靈丘玉蓋陰七景鼓翼霄上浮九  
音朗紫空玉漱洞太無宴詠三晨宮唱嘯呼我儔不覺  
椿已老豈知二景流佳人雖兼忘而未放百憂長林真  
可靜巖中自多娛

右十月十七日作與許長史

北登玄真闕攜手結高羅香烟散八景玄風鼓絳波仰  
超琅園津俯眇霄陵阿玉簫雲上唱鳳鳴動九遐乘氣  
浮太空曷爲躡山河金節命羽靈徵兵折萬魔齊挹三  
晨暉千春方嬰牙喪真投競室不解可奈何

仰眇太霞宮金閣曜紫清華房映太素四軒皆朱瓊擲  
輪空洞津總轡儻綠輶玉華飛雲蓋西妃運錦旌翻然  
塵濁涯儵歛佳人庭宿感應期降所招已在冥乘風奏  
霄晨共酣丹琳翬公侯徒眇眇安知真人靈

右二首十  
月二十日

授許長史

清晨挹絳霞總氣霄上游迴輶躡曲波遂覩世人憂辭

旨蔚然起不散三秀嶠何若巡玄鄉撫瓊爲爾娛君心  
安有際我願有中無

右十二月一日作

轡景登霄晨遊宴滄浪宮綵雲繞丹霞靈藹散八空上  
真吟瓊室高仙歌琳房九鳳唱朱籟虛節錯羽鐘交栖  
金庭內結我冥中朋俱挹玉醴津倏忽已嬰童云何當  
路躡愆痾隨日崇

右興寧四年丙寅二月九日夜作

晨遊太素宮控輶觀玉河夕宴鬱絕宇朝採圓景華彈  
璇北寒臺七靈暉紫霞濟濟高仙舉紛紛塵中羅盤桓  
翬藹內愆累不當多

右二月十六日作

駕風騁雲輶晨登太渟丘絳津連岑振清波鼓浚流步

空觀九緯八網皆已遊暫宴三金秀來觀建志儔勤懈  
不相掩是以積百憂

凌波越滄浪忽然造金山四顧終日遊罕我雲中人

紫闕構虛上玄館衝絕颯琳琅敷靈囿華生結瓊瑤騁

駟滄浪津八風激雲韶披羽扇北翳握節鳴金簫鳳籟

和千鐘四童歌晨朝心豁虛無外神襟和朗寥迴舞太

空嶺六氣運重幽我途豈能尋使爾終不凋右三首二  
月三十日

夜作

玄波振滄濤洪津鼓萬流駕景盼六虛思與佳人遊妙  
唱不我對清音與誰投雲中騁瓊輪何為塵中趨

松栢生玄嶺鬱為寒林桀繁葩盛巖米未肯懼白雪亂

世幽重岫巡生道常潔飛此逸轡輪投彼遐人轍公侯

可去來何為不能絕右二曲四月十四日夜歌此

清淨願東山廕景栖靈穴悄悄閒庭虛翳蒼青林密圓

曜映南軒朱風扇幽室拱袂閒房內相期啓妙術寥朗

遠想玄蕭條神心逸

縱心空洞津竦一作總轡策朱駟佳人來何遲道德何時

成

有心許斧子言當采五芝芝草不必得汝亦不能來汝

來當可得芝草與汝食右三首閏四月三日夜吟此示  
許長史及掾

迴文識

簡文帝為相王時右英夫人告曰德匠既疑玄範自天安危之事未宜問也公傾注甚至所以未相酬者豫事難論耳頃天氣激逸陰景屢變大白解體於二辰之中愆勃於紫房之下王者惡焉天子有憂上相座動今聊作識密以相示

精氣神妙叅二儀慎傳凡人賢者施封天制地無不宜  
子能寶秘天知之吾道要妙豈相欺自有竒神先兵規  
火寸三五天瑞之隆代迭換運相推明匠保德慎無思  
驅惡除逆疾尋師萬金之術龍之熙隆數卒三失由兒  
莫測其源劉向知有凶撥亂皇復基乘天命世遂平夷  
制逆者誰必定期匠不足慮憂遠危五世之間真可悲  
暮歷有數帝座虧宮元變異紛紜來金室在茲

紫微夫人詩

夫人名青娥字愈音王母第二十五也興寧三年乙丑六月降楊羲家時與九華真妃太元真人桐柏真人右英夫人南嶽夫人同降言夫人位為紫微宮左夫人鎮羽野玄隴之山上宮主教當成真人者九華授楊詩畢夫人曰吾復因爾作一紙相曉以示善事楊襲紙染筆夫人授詩云云

二象內外泮玄氣果中分冥會不待駕所期貴得真南  
嶽鑄明金眇觀傾笈帟良德飛霞照遂感靈霄人乘颯  
儔衾寢齊牢攜絳雲悟歎天人際數中自有緣上道誠  
不邪塵滓非所聞同日咸恒象高唱為爾因  
高興希林虛遐遊無員方蕭條象數外有無自冥同疊  
疊德韻和飄飄步太空盤桓任波浪振鈴散風中內映

七道觀可以得兼忘何必反覆酬待此世文通玄心自冥悟嘿耳必高蹤

右七月二十六日作喻許長史

龜闕鬱巍巍墉臺落月珠列坐九靈房叩璫吟太無玉簫和我神金醴釋我憂

宴酣東華內陳鈞千百聲青君呼我起折腰希林庭羽帔扇翠暉玉珮何鏗零俱指高晨寢相期象中冥

超舉步絳霄飛颯北壘庭神華映仙臺圓曜隨風傾啓

暉挹丹元扉景餐月精交袂雲林宇浩軫

疑作皓鬢

還童嬰

蕭蕭寄無宅是非豈能營世網自擾競安可語養生

右三

首九月三日歌此

解輪太霞上歛轡造紫丘手把八空氣縱身雲中浮一

盼造化網再視索高疇道要既已足可以解千憂求真

得良友不去復何求

右九月六日夕喻許長史兼示同

紫空朗明景玄宮帶絳河濟濟上清房靈

一作雲

臺煥差

我八輿造朱池羽蓋傾霄柯震風迴三晨金鈴散玉華

七轡降九陔宴眇不必家借問求道子何事坐塵波豈

能棲東秀養真收太和

右九月九日作因許示鄰

左把玉華蓋飛景躡七元三晨煥紫輝竦眇撫明真變

踊期須臾四面皆已神靈發無涯際勤思上清文何事

坐橫涂令爾感不專陰痾失玄機不覺年歲分

玄清眇眇觀落景出東溟願得絕塵友蕭蕭罕世營  
靈人隱玄峯真人韜雲采玄唱非無期妙應自有待豈  
期虚空寂至韻固常在攜襟登羽宮同宴廣寒裏借問  
朋人誰所存惟玉子

右三首十月十八日作

褰裳濟淶河遂見扶桑公高會太林墟賞宴玄華宮信  
道苟淳篤何不棲東峯

控景始暉津飛颿登上清雲臺鬱峩峩閭闔秀玉城晨  
風鼓丹霞朱烟灑金庭綠藻粲玄峯紫華巖下生慶雲  
纏丹爐鍊玉飛八瓊宴眇廣寒宮萬椿愈童嬰龍旂啓  
靈電虎旗徵朱兵高真起九曜洞觀均潛明誰能步幽

道尋我無窮齡

翳藹紫微館鬱臺散景颿鸞唱華蓋間鳳鈞導龍輶八  
狼攜絳旌素虎吹角簫雲勃寫靈宮來適塵中囂解轡  
佳人所同氣自相招尋宗須臾頃萬齡乃一朝椿期會  
足哀劫往豈足遼真真乃相目莫令心徂瘳虛刃揮至  
空鄙滯五神愁

右三首興寧四年丙寅二月三十日作

朝啓東晨暉飛軒越滄淵山波振青涯八風扇玄烟迴  
眇易遷房有懷真感人三金可遊盤東岑宜永甄紛紛  
當塗中孰能步生津

飄颻八霞嶺裴徊飛晨蓋紫軒騰太虛曠眇九虛外玉

簫激景雲靈烟絕幽藹高仙宴太真清唱無涯際去來  
山嶽庭何事有待邁右二首四月十四日作

神玉暉靈津七元煥神扉靈遷方寸裏一躍登太微妙  
音乘和唱高會亦有機齊此天人眇協彼晨景飛總轡  
六合外寧有傾與危右四月二十三日夜作

薄宴塵颯領代謝緣還歸奚識靈劫期顧眇令人悲

雲草蔭玄方仰感旋曜精洗洗繁茂萌重德必克昌右

首閏四月三日作

昭靈夫人詩

夫人者北元中玄道君李慶賓之女太保王郎李靈飛之外也為東宮昭

靈夫人治方丈臺第十三朱館中興寧三年乙丑八月二十二日夜與上元夫人紫微夫人右

英夫人諸真同降楊義家作詩云云臨去復吟云云

雲墉帶天構七氣煥神馮瓊扉啓晨鳴九音絳樞中紫  
霞興朱門香烟生綠牕四駕舞虎旗青駟擲玄空華蓋  
隨雲列落鳳控六龍策景五嶽阿三素眇君房適聞臊  
穢氣萬濁汚我胸臭物薰精神囂塵互相衝明玉皆璀  
爛何獨盛德躬高揖苦不早坐地自生蟲  
心勿欲亂神勿淫役道易不順災重不逆永喪其真遂  
棄我適

飛輪高晨臺控轡玄壘隅手攜紫皇袂倏忽八風驅玉  
華翼綠幃青帟扇翠裾冠軒煥崔巍珮玲帶月珠薄入

風塵中塞鼻逃當途臭腥凋我氣百阿令心徂何不颯然起蕭蕭步太虛

右十二月一日夜作與許玉斧

南嶽魏夫人詩

興寧四年丙寅四月二十七日夜降楊羲家作

玄感妙象外和聲自相招靈雲鬱紫晨蘭風扇綠輶上  
真宴瓊臺邈為地仙標所期貴遠邁故能秀穎翹翫彼  
八素翰道成初不遼人事胡可預使邇形氣銷

靈谷秀瀾榮藏身栖嚴京被褐均袞龍帶索齊玉鳴形  
盤幽遼裏擲神太霞庭霄上有陞賢空中有真聲抑我  
曲晨飛案北綠軒駢下觀八度內俯歎風塵不解脫遺  
波浪登此眇眇清擾競三津竭奔馳割爾齡

十二月一日夜作

與許長史

中候夫人詩

興寧三年乙丑夫人降楊羲家云周靈王有子三十八人太子子晉師事

嵩嶽浮丘公白日昇天夫人名觀香字衆愛是宋姬子於子晉為別生妹子晉兄弟五人妹二人凡七人得道弟眉壽即觀香同母兄也丙寅閏月三日與衆真降羲家授詩云云吟畢良久復授云云

八塗會無宗乘運觀囂羅化浮塵中際解衿有道家騁  
烟忽未傾攜真造靈阿虛景盤瓊軒玄鈞作鳳歌適路  
無軌滯神音儻雲波齊德秀玉景何用世間多  
坦夷觀天真去累縱衆情體寂廢機駟崇有則攝生焉  
得齊物子委運任所經

登軒發東華扇颯舞太玄飛轡騰九萬八落亦已均暫  
 眄山水際窈窕靈嶽間同風自齊氣道合理亦親龍芝  
 永遐齡內觀攝天真東岑可長靜何為物所纏右六月二十三日  
 日夜作

南極夫人詩

夫人王母第四女也名林字容真理太丹宮為金闕聖君上保司命居渤海丹海長離山中主教當為真人者興寧四年

丙寅六月二十三日降揚義家與真人同會因吟授義曰

林振須類感雲蔚待龍吟玄數自相求觸節皆有音飛  
 輶出西華總轡忽來尋八遐非無娛同詠理自欽悼此  
 四維內百憂常在心俱遊北寒臺神風開爾襟

衆真吟

駕歛敖八虛徊宴東華房阿母延軒觀朗嘯躡靈風我  
 為有待來故乃越滄浪右雲林右英王夫人歌

乘颿遡九天自駕三秀嶺有待徘徊眄無待故當淨滄  
 浪奚足勞孰若越玄井右紫微夫人答歌

寫我金庭館鮮駕三秀畿夜芝披華鋒咀嚼克長饑高  
 唱無逍遙各興無待歌空同酬靈音無待將如何右桐栢山

真人王子喬歌

朝遊鬱絕山夕偃高暉堂振轡步靈鋒無近於滄浪玄  
 井三仞際我馬無津梁儵歛九萬間八維已相望有待

非至無靈音有所喪

右清靈真人裴玄仁歌

龍旂舞太虛飛輪五嶽阿所在皆逍遙有感興冥歌無待愈有待相遇故得和滄浪奚足遼玄并不為多鬱絕尋步間俱會四海羅豈若絕明外三劫方一過

右中候王夫人

縱酒觀羣惠儵忽四落周不覺所以然實非有待遊相

遇皆歡樂不遇亦不憂衆影玄空中兩會自然疇

右昭靈李

夫人歌

駕歛發西華無待有待間或眇五嶽峯或濯天河津釋輪尋虛舟所在皆纏綿芥子忽萬頃中有須彌山小大

固無殊遠近同一緣彼作有待來我作無待親

右九華安妃歌

無待太無中有待大有際大小同一波遠近齊一會鳴

絃玄霄顛吟嘯運八氣奚不酣靈液眇目娛九裔有無

得玄運二待亦相益

右太虛南嶽真人赤松子歌

偃息東華靜揚駢運八方俯眇丘垤間莫覺五嶽崇靈阜齊淵泉大小互相從長短無少多大椿須臾終奚不

委天順縱神任空同

右方諸青童君歌

控颯扇太虛八景飛高清仰浮紫晨外俯看絕落冥玄心空同間上下弗流停無待兩際中有待無所營體無則能死體有則攝生東賓會高唱二待奚足爭命駕玉

錦輪舞轡仰裴徊朝遊朱火宮夕宴夜光池浮景清霞  
杪八龍正參差我作無待遊有待輒見隨高會佳人寢

二待互是非有無非有定待待各自歸

右南極紫元夫人歌

四君吟

去月秋分日瑤臺大會四君吟此言以和  
玄鈞廣韶之絃聲十月十五日右英夫人

說此令疏

欲植滅度根當拔生死栽沈吟墮九泉但坐惜形骸

右

宮九微真人金闕上相青童大君吟

觀神載形時亦如車從馬車敗馬奔亡牽連一時假哀

世但識此但是惜風火種罪天網上受毒地獄下

右大  
虛真

人吟

形為渡神舟泊岸當別去形非神常宅神非形常載裴

徊生死輪但苦心猶豫

右西城真人王君吟

失道從死津三魂迷生道生生日已遠死死日已早悲

哉苦痛客根華已顛倒起就零落塵焉知反枯老

右清  
虛小

有真人王君吟

方諸宮東華上房靈妃歌曲

興寧三年乙丑十二  
月十七日夜太元真

人司命君書此及下篇云是青童宮中內房曲  
恒吟讚此和神

紫桂植瑤園朱華聲悽悽月宮生藥淵日中有瓊池左

拔員靈曜右掣丹霞暉流金煥絳庭八景絕烟迴綠蓋

浮明朗控節命太微鳳精童華顏琳腴克長饑控晨揖

太素乘歛翔玉墀吐納六虛氣玉嬪把巾隨彈璈南雲  
扇香風鼓錦披叩商百獸舞六天攝神威儵歛億萬椿  
齡紀鬱巍巍小鮮未烹鼎言我巖下悲

太微玄清左夫人北停宮中歌曲

停一作淳

鬱藹非真墟太無為我館玄公豈有懷縈蒙孤所難落  
鳳控紫霞矯轡登晨岸寂寂無濠涯暉暉空中觀隱芝  
秀鳳丘逡巡瑤林畔龍胎嬰爾形八瓊迴素旦琅華繁  
玉宮結葩凌巖粲鵬扇絕億領拊翮扶霄翰西庭一作度  
命長歌雲璈乘虛彈八風纏綠宇叢烟豁然散靈童擲  
流金太微啟璧案三元折腰舞紫皇揮袂讚朗朗扇景

曜曄曄長庚煥超駟聳明刃下眇使我惋顧哀地仙輩  
何為棲林澗

蓬萊四真人詩

興寧三年四月九日楊君夢北行  
登高山上有大宮室數千間鬱鬱

不可名四面皆大水仰見白龍身長數十丈東  
向飛行光彩曜天一老翁著繡衣裳芙蓉冠挂  
赤九節杖而立視龍君問公何人來登此宇答  
曰我蓬萊仙公洛廣休此蓬萊山吾治此上府  
君故來乃得相見耳昔又問龍可乘否公曰此  
龍以待真人張誘世石慶安許玉斧丁瑋寧譬  
世輶車朱鳥更一日乘以上直侍晨帝也須臾  
公呼此四賢來張誘世年可五十石慶安甚童  
蒙年可三十四五公曰玉斧君師友也張誘世常  
山人公弟子也石慶安汲郡人鈞翼夫人弟子  
也因語四人曰並可作一篇詩以見府君

靈山造太霞豎巖絕霄峯紫烟散神州乘颿駕白龍相

攜四賓人東朝桑林公廣休年雖前壯氣何蒙蒙實未

下路讓惟年以相崇 右石慶安作

北遊太漠外來登蓬萊闕紫雲構靈宮香烟何鬱鬱美

哉洛廣休久在論道位羅併真人座齊觀白龍邁離式

四人用何時共解帶有懷披襟友欣欣高晨會 右張誘世作

遊觀竒山峙漱濯滄流清遙覩蓬萊間屹屹 一作嘯嘯衝霄

冥五芝被絳巖四階植琳瓊紛紛靈華散晃晃煥神庭

從容七覺外任我攝天生自足方寸裏何用白龍榮 右許

玉文作

玄山構滄浪金房映靈軒洛公挺竒尚從容有無間形

沈北寒宇三神棲九天同寮相率往推我高勝年弱冠

石慶安未肯崇尊賢嘲笑蓬萊公呼此廣休前明公將

何以却此少年翰 右丁瑋寧作

長生諺 楊君夢遊蓬萊山會仙公洛廣休既下山半見許功曹相逢於夾石之間公語功曹

曰吾為汝置酒四升在山上可往飲之此太平家酒治人腸也故諺曰

欲得長生飲太平

辛亥子詩 玄子字延明隴西定谷人漢明帝時諫議大夫辛隱之子也少好至道享年不

永沒命於長津西王母愍其苦行於是鄴都北帝告敕司命攝取形骸使復願胎位為靈神遂

得度名南宮大帝選補禁元中郎將吳越鬼神

之司楊君既為司命玄子職隸方應相聞故贈詩三篇以陳情焉

疇昔入冥鄉順駕應靈招神隨空無散氣與慶雲消形  
非明玉質玄匠安能彫蹠足吟幽唱仰手翫鳴條林室  
有逸歡絕此軒外交遺景附圓曜嘉音何寥寥

志

右篇敘  
事迹本

寂通寄興感玄氣攝動音高輪雖參差萬刃故來尋蕭  
蕭研道子合神契靈襟委順浪世化心標窈窕林同期  
理外遊相與靜東岑

右篇申情寄來緣

命駕廣鄩阿逸迹幽冥鄉空中自有物有中亦無常悟  
言有無際相與會濠梁目擊玄解了鬼神理自忘

右篇  
論人

鬼幽致

### 太上宮中歌

南嶽夫人喻許長史

手把八雲氣英明守二童太真握明鏡鑒合日月鋒雲  
儀拂高闕驕女坐玄房愈行愈鮮盛英靈自爾通

### 大洞真經

外國呼曰為濯濯羅羅方諸真人呼曰為  
圓羅羅夢見此濯濯羅羅者身康神寧之  
應也故右英夫人疏引大洞真經云云以釋夢  
義

扶晨始暉生紫雲映玄阿煥洞圓光蔚晃朗濯耀羅眇  
眇靈景元森灑空青華九天館玉賓金房烟霄歌

### 許長史答詩

長史既聞啟告賦此以酬釋夢之旨

微誠因理感積精洞幽真斐斐乘雲綵靈像憑紫烟眇  
眇濯圓羅佛佛駕飛輪玄翰啟矇昧顧景思自新

許椽夢詩

四月二十七日夜半夢見一女子著上

壽之小姝即中候夫人也相見時似如在山林之間云明日可暫出西門外有犢車白牛皮巾裏僕御頭者是我車也後別相詣於貴解因口喻作詩如別

乘氣涉淥津採藥山中巔披心煥靈想蕭蕩無悟言願與盛德遊駟騁因緣榮塵何足尋疾激君清玄苟能攝妙觀吐納可長年

清靈真人詩

七月十五日夜真人裴玄仁授許椽詩云云又八月十六日夕授許長史

詩云云

企望人飛若感若成威不內接驕女遠屏三四縱橫以入帝庭歷紀建號得為太齡亦必秀映四司元卿翻然

縱羽遂登上清

離合撮名翹字

擬駕東岑人停景招隱靜仁德乘波來俱會三秀嶺靈芝信可食使爾無終永翕真獻金漿不待百丈井

定錄中候告

定錄者句曲真人定錄右禁郎茅季偉也此並離合譬喻四人姓名銓衍

宜修行服御事

鳳巢高木素衣衫然

是許長史小名穆字

履順思貞凝心虛玄

思玄

是長史字

五公石腴彼體所便急宜服之可以少顏三八令

明次行玄真解駕偃息可誦洞篇瓊刃應數

瓊刃即椽小名玉斧

精心高栖隱嘿沈閉正氣不虧木散除疾是爾所宜次服飣飯兼穀勿違益髓除患肌膚克肥然後登山詠洞

講微寅獸白齒

此四字即功曹小名虎牙

亦能見機遂得不死過度

壬辰偃息盛木玩執周書

是司命君姓楊字

太極植簡金名西

華學服可否自應靈符理異契同神洞相求

保命君吟

保命者三官保命司茅思和也吟此告許虎牙

朝華煥晨井九蓋傾青雲前此珪璋庸不識萬流椿解

落儵歛頃寅客何必人

扈謙詩

扈謙者魏郡人也性縱誕不耻惡衣食好飲酒不擇精麤晉簡文帝時常吟詩二首

風從牖中入酒在杯中握手握四十九靈光在上照巍

峩藜著下獨向冥理笑

進不登龍門退不求名位無以消白日常作魏我醉

郭四朝扣船歌

郭四朝者燕人也苻秦時得道來句曲山南所住處作塘邊澗水令

深基墟垣墻今猶有可識處四朝乘小船遊戲其中每扣船歌云云後為玉臺執蓋郎

清池帶靈岫長林鬱青葱玄鳥翔幽野悟言出從容鼓

檝乘神波稽首希晨風未獲解脫期逍遙丘林中

浪神九咳外研道逐全真戢此靈鳳羽藏我華龍鱗高

舉方寸物萬吹皆垢塵顧哀朝生輩孰盡汝車輪

遊空落飛颿靈步無形方圓景煥明霞九鳳唱朝陽揮

翩扇天津晻藹慶雲翔遂造太微宇挹此金梨漿逍遙

玄咳表不存亦不亡

駕歛舞神霄披霞帶九日高皇齊龍輪遂造九華室神

虎洞瓊林風雲

一作香風

合成一開闔幽冥戶靈變玄跡滅

李仙君歌

蜀華蓋山李桓仙君授道桓凱真人仙君一日謂凱曰金丹大藥子得之矣飛

步隱身諸訣汝皆洞曉但未聞大道耳遂歌曰

金鼎天門開反童復嬰孩日月照崑崙真君自然來三

年結黃雲千日成聖胎九年登金闕一紀升三台龍虎

自然交上帝安金臺衆神仰天表忻慕心裴徊子今受

靈文專心如死灰積功十二年功畢登雲梯白光生圓

象紫氣冲雲霓端虛念太乙浩劫天地齊

桓真人吟

陶隱居先生謂弟子曰予夜夢神光滿室彩雲連霄有金甲神人謂予曰明日

有異人至汝當掃門待之日午桓凱真人果至披髮跣足唱詩曰

黃花生紫雲日月周天輪混混太虛中不與衆生羣崑

崙十二峯上帝朝萬巡一日功行滿升空謁元君

陶隱居華陽頌

陶弘景幼有異操見葛洪神仙傳晝夜研尋便得辟穀導引之術齊

永明十年脫朝衣掛神武門上隱居句容之句曲山桓曰此山下是第八洞宮名曰金陵華陽之天乃中山立館自號華陽隱居著頌十五首

河篇徵往冊孔記昭昔名三宿麗天序兩金標地英

右樞

域

宅無乃生有在在則還空靈構不待匠虛影自成功

右質

象

總神列三府分除交五便陰暉迎夜晷晨精望曉懸

右形

南峯秀玄鼎北嶺橫秦壁表裏玉沙津周迴隱輪跡右標

左帶柳汧水右浚陽谷川土懷北邙色井冽鳳門泉右區

郭干時留岸姜巴亘遠蹤鶴廟或聞嚮別宅乃恒恭右迹

吳居非知地越家詎隱遷樹蓋徒低蔭石竈未嘗烟右類

果林鬱餘柰蔬圃蔓遺辛熒芝可燭夜田泉常澣塵右物

軌

降轡龜山客解駕清華童寢宴含貞館高會蕭閒宮右遊

清歌翔羽集長嘯歸雲翻子絃有逸調空談無與言右才

英

標舍雷平下立靜連石陰上道已冲念飛華當軫心右學

高宗

濟神既有在去留從所宜心迹何用顯冥途自相知右業

運

方隅遊瓊刃華陽棲隱居重離儻或似七元乃扶胥右擬

號期行當滿亥數未終丁迨及唐承世將賓來聖庭右機

刊石玄窻上顯誠曲階門動靜顧矜錄不負保舉恩右誠

期

五仙詩

玄人周子良茅山陶隱居弟子也寓居丹陽一夕五仙降于庭各授一詩云云

華景輝瓊林清風散紫霄仰攜高真士凌空馭綠輶放

彼朱霞館造此塵中僚有緣自然會不待心翹翹右保命府

永樂道士詩

太霞鬱紫蓋景風飄羽輪直造塵滓際萬穢澆我身自

非保仙子安見今日人過此未申歲控景朝太真冥緣

雖有契執德故須勤右嵩高馮真人詩

寫我蕭閑館遊彼塵喧際騁景蓋飛霄尋此人間契周

生一何竒能感玄人轍無使凌雲榦中隨嚴霜折右蕭閑張

仙卿詩

靈風扇紫霞景雲散丹暉八素不為迴九垓何足巍志

業雖有習之亦成微勗此今日事金闕方共歸右中嶽仙

人洪先生詩

懸臺凌紫漢峻階登絳雲華景飛形燭七耀亦殊分寫

此步塵穢適彼超世君勗哉二祀內無令邪世門方為

去來會短辭何用紛

右華陽司農王童詩

公孫卿合藥頌

公孫卿者學道於東梁甫山一云滋液山山中有合成仙藥得服之人立仙日月之神並在宮中合藥時頌曰

玉女斷分劑蟾蜍主和擣一丸煉人形二丸顏容好

敬玄子歌

敬玄子者修行中部之道存道守三一常歌曰

遙望崑崙山下有三頃田借問田者誰赤子字元先上

生鳥

一作

靈木雙闕夾兩邊日月互相照神路帶中間

一作

採藥三微嶺飲漱華池泉遨遊十二樓偃蹇步中

原意欲觀絳宮正直子丹眠金樓凭玉几華蓋與相連

顧見雙使者博著太行山長谷何崢嶸齊城相接隣縱

我飛龍轡忽臨無極淵黃精生泉底芝草披岐川我欲

將黃精流丹在眼前裴徊飲流丹羽翼奮迅鮮意猶未

策外子喬提臂牽所經信自險所貴得神仙

魏伯陽離合詩

委時去命依託丘山循遊寥廓與鬼為鄰合魏字化形為

仙淪寂無聲百世一下遨遊人間合伯字敷陳羽翮東西

南傾湯遭厄際水旱隔并合陽字柯葉萎黃失其榮華各

相乘負安隱長生

盜道語

女丸者陳市上沽酒婦人也亦有仙人飲其家以素書五卷為質皆養性交接之術丸

私寫之行其法三十年顏色更少後仙人復過笑引語云云遂與俱去

盜道不私有翅不飛

武夷君人間可哀之曲

武夷君地官也相傳於八月十五日大會村人於

武夷山上置幔亭化虹橋通山下是日太極玉皇太姥魏真人武夷君三座空中告呼村人爲會孫汝等若男若女呼坐乃命鼓師張安陵等作樂行酒令歌師彭令昭唱人間可哀之曲其詞曰

天上人間今會合疎稀日落西山今夕鳥歸飛百年一

餉今志與願違天宮咫尺今恨不相隨

配瑛靈鳳歌

西方衛羅國王有女字曰配瑛與鳳共處於是靈鳳常以羽翼扇女面後

十二年中女忽有胎王意怪之因斬鳳頭埋著長林丘中女後生女名曰皇妃王女思靈鳳之遊好駕而臨之長林丘中歌云云是鳳鬱然而生抱女俱飛逕入雲中

杳杳靈鳳綿綿長歸悠悠我思永與願違萬劫無期何時來飛

仙人鍊形歌

始青之下月與日兩半同昇合成一出彼玉池入金室大如彈丸黃如橘中有嘉味甘如蜜子能得之謹勿失既往不追身將滅純白之氣至微密昇於幽關三曲折中丹煌煌獨無匹立之命門形名卒淵乎妙矣難致詰

古謠

食石食金鹽可以支常久食石食玉豉可以得長壽

古歌

我命在我不在天還丹成金億萬年

仙歌

流珠九轉父不語子化爲黃白自然相使  
天地有金我能作之二黃一赤立成不疑

古語

欲得長生腸中當清欲得不死腸中無滓

太上導仙銘

古人名木爲山精之卉山薑之精

子欲長生當服山精子欲輕翔當服山薑

內經真諺

眉後小穴中爲上元六合之府主化生  
眼暉如瑩精光長珠徹瞳保鍊目神是  
真人坐起之上道一名曰真人常居

子欲夜書當修常居

鬼歌謔辭

紫玉歌

吳王夫差小女名玉悅童子韓重欲嫁之  
不得乃結氣而死重游學歸往弔之玉形  
見於墓側顧重延頸而歌曰

南山有鳥北山張羅意欲

一作志願從君讒言孔多悲結成

疹沒命

一作身

黃墟命之不造冤如之何羽族之長名爲

鳳凰一日失雄三年感傷雖有衆鳥不爲匹雙故見鄙

姿逢君輝光身遠心近

一作通

何曾

一作當暫忘

滴池君語

秦始皇三十六年秋使者鄭客入函谷  
至平舒道見素車白馬曰吾華山君願  
以一牘致滴池君子之咸陽過滴池見一大梓  
樹有文石取以扣樹當有應者以書與之客如

其言見宮闕如王者居謁者出受書入語客云云或曰華山神操壁遮使者語之使者奉壁以聞始皇曰山鬼固不過知一歲事耳使御府視壁乃二十八年所沈壁也明年始皇崩

### 今年祖龍死

#### 崔少府女贈盧克詩

盧克者范陽人家西三十里有崔少府墓克出獵見一麀

逐之忽見一里門如府舍門中一鈴下克問之答曰少府府也克進見少府展姓名酒炙數行崔曰近得尊府君書為君索小女婚即敕內令女郎莊嚴使克就東廊克至婦已下車立席頭共拜焉三日畢還見崔崔曰君可歸矣女有娠即生男富以相還崔送至門執手離別克便上車須臾至家居四年三月三日臨水戲忽見一續車乍浮乍沒既上岸克往開車後戶見崔氏女與三歲男兒共載抱兒還克又與金盃別并贈詩克取兒盃及詩忽不見車處

#### 煌煌靈芝質光麗何猗猗華艷當時顯嘉異表神奇含

英未及秀中夏罹霜萎榮曜長幽滅世路永無施不悟  
陰陽運哲人忽來儀會淺離別速皆由靈與祗何以贈

#### 余親金盃可願兒愛恩從此別斷絕傷肝脾

#### 成公智瓊贈弦超詩

魏濟北郡從事掾弦超嘉平中夜夢神女從之稱天上玉

女東郡人姓成公字智瓊蚤失母天帝哀其孤苦令得下嫁超當其夢也嘉其非常覺寤欽想如此三四夕一旦顯然來駕輜軒車從八婢服羅綺之衣狀若飛仙自言年十七遂為夫婦贈詩二百餘言其畧曰

飄飄浮勃述敖曹雲石滋芝英不須潤至德與時期神  
仙豈虛降應運來相之納我榮五族逆我致禍災

#### 郭長生吹笛歌

永嘉中太山民巢氏先為相縣令居在晉陵家婢採薪忽有一人追

隨婢還家不使人見與婢宴飲輒吹笛而歌云

閒夜寂已清長笛亮且鳴若欲知我者姓郭字長生

杜蘭香貽張碩詩

杜蘭香自稱南陽人以建興四年春數詣桂陽張傳傳年十七

聖見其車在門外婢通言阿母所生遺授配君吾可不敬從傳先改名碩碩呼女前視可十八九說事邈然久遠有婢子二人大者萱枝小者松枝細車青牛上飲食皆備作詩云云至其年八月旦來復作詩云云出薯豫子三枚大如鷄子云食此令君不畏風波辟寒温碩食二枚留一香令碩盡食言本為君作妻情無曠遠以年命未合有小乖太歲東方卯當還求君時光禄勳曹毗為詩二篇嘲之并續蘭香歌十篇甚有文彩

阿母處靈岳時遊雲霄際衆女侍羽儀不出墉宮外  
輪送我來豈復耻塵穢從我與福俱嫌我與禍會

逍遙雲霧間呼吸一作嗟發九疑游女不稽路  
之

牕呼祁孔賓語

祁嘉字孔賓酒泉人少清貧好學年二十餘夜窻中有聲呼云云旦

而逝去西至燉煌依學官誦書遂博通經傳西遊海渚教授門生張重華徵為儒林祭酒在朝卿士郡縣守令受業者二千餘人竟以壽終

祁孔賓祁孔賓隱去來隱去來修飾人世甚苦不可諧  
所得未毛銖所喪如山崖

王敬伯宛轉歌

會稽王敬伯為衛佐休假還鄉過吳維舟渚中昇亭而宿是夜月華

露輕敬伯鼓琴感劉惠明亡女造敬伯就體如平生敬伯撫琴而歌云云女乃和之

低露下深幕垂月照孤琴空絃益宵淚誰憐此夜心

歌宛轉情復哀願為烟與霧氛氲同共懷

周城呼

苻堅末每夜有人周城大呼云云旦尋不見人跡俄而衛將軍楊定為慕容冲所擒堅與太子宏出奔而冲入據長安矣

楊定健兒應屬我宮殿臺觀應坐我父子同出不共汝

陵欣歌

建康陵欣宋景平中死於揚州作部尅辰當葬作部督夢欣云今為獄公姥祖夕有期莫由自反勞君解謝令得放遣督不信夜後又夢言辭轉切因歌一曲云督覺為謝從此便絕

生時世上人死作獄中鬼不得還墳墓死沒有餘罪

青溪小姑歌

會稽趙文韶宋元嘉中為東扶侍屬在清溪中橋秋夜步月悵然思歸乃倚門唱烏飛曲忽有青衣請門曰女郎聞歌聲有悅人者逐月遊戲故遣相問須臾女郎至年

可十八九許容色絕妙謂文韶曰聞君善歌能為作一曲否文韶即為歌草生盤石下聲甚清美女郎顧青衣取篋篋鼓之泠泠似楚曲又令侍婢歌繁霜自脫金簪扣篋篋和之婢乃歌云云將旦別去以金簪遺文韶文韶亦贈以銀盃及琉璃七明日於青溪廟中得之乃知昨所見青溪小姑也廣陵蔣子文嘗為秣陵尉因擊賊傷而死吳孫權時封中都侯立廟鍾山青溪小姑者蔣侯第三妹云

日暮風吹葉落依枝丹心寸意愁君未知

歌闕夜已久繁霜侵曉幕何意空相守坐待繁霜落

吳興妖神詩

梁時吳興有妖神贈謝府君覽詩云云或作伎童

玉釵空中墮金鈿行已歇獨泣謝春風長夜孤明月

韋琳贈岑之元詩

梁時人

迥樓臨絕岸斜月照江湄夜深更漏永長懷思漢悲

陳後主小牕詩

隋煬帝嘗遊吳公宅雞臺忽與後主相遇後主復詩十數篇帝止記小牕及寄侍兒碧玉詩云云

午醉醒來晚無人夢自驚夕陽如有意偏傍小牕明

寄碧玉詩

離別腸應斷相思骨合銷愁魂若飛散憑仗一相招

隋渠詩

煬帝夕泛舟北海忽見水上有小舟至乃後主也帝起迎之後主曰聞開隋渠引洪河之水東遊維揚因作詩以奏

隋室開茲水初心謀大賒一千里力役百萬民吁嗟水殿不復返龍舟成小瑕溢流隨陡岸濁浪噴黃沙兩人

迎客至二月柳飛花日脚沈雲外榆梢噪暝鴉如今遊

子谷異日便天家且樂人間景休尋海上槎人喧舟艤

岸風細錦帆斜莫言無後利千古壯京華

隋煬帝贈張麗華詩

帝游吳公宅鷄臺與陳後主遇後主侍女數十許中一人迺美帝屢日之後主云此即麗華也麗華因拜求帝一章帝操觚賦云麗華捧侍頽然不懌

見面無多事聞名爾許時坐來生百媚實箇好相知

廬山夫人女婉撫琴歌

建康小吏曹著見廬山夫人命女婉與著相見婉見著欣悅命婢瓊林取琴出婉撫琴歌云云歌畢婉便還去

登廬山兮鬱嵯峨晞陽風兮拂紫霞招若人兮濯靈波

欣良運兮暢雲柯彈鳴琴兮樂莫過雲龍會兮樂太和

鬼仙歌

登阿儂孔雀樓遙聞鳳凰鼓下我鄒山頭彷彿見梁魯

聶包鬼歌

臨川聶包死數年忽詣南豐相沈道襲共飲其歌笑甚有倫次每歌云

花盈盈正聞行當歸不聞死復生

陳阿登彈琴歌

句章人至東野還暮不至門見路傍有小屋燈火因投寄止宿有一

小女不欲與丈夫共宿呼隣家女自伴夜共彈琴篋篋至曉此人謝去問其姓字女不答彈琴

而歌曰

連綿葛上藤一緩復一絙欲知我姓名姓陳名阿登

譚良夫諫

衛蒯聵為太子時與譚良夫盟曰苟使我獲國服冕采軒三死無與良夫乃與

太子迫孔悝逐輒自立是為莊公及公為虎幄于藉圃成求令名者與之始食召良夫良夫乘

秉甸兩牡紫衣狐裘至袒裘不釋劍而食遂牽良夫退數以三罪殺之後夢於北宮見人登昆吾之觀被髮北面而諫曰

登此昆吾之虛縣縣生之瓜余為譚良夫叫天無辜

公孫述夢語

述字子陽王莽末起兵據蜀將謀稱帝夢有人語之云云覺謂其妻曰雖

貴而祚短若何妻曰朝聞道夕死尚可况十二年乃以建武元年四月自立為天子號成家至十二年十一月果敗

八公子系十二為期

鄭玄夢語

建安五年春鄭玄夢孔子語之云云既寤曰讖謂歲至龍蛇賢人嗟吾命其當

終乎是年六月卒

起起今年歲在辰來年歲在巳

燉煌父老夢語

涼後主歆字士業嗣父盛為涼公領涼州牧護羌校尉士業立而宋

受禪聞沮渠蒙遜南伐禿髮驍檀士業率步騎三萬攻張掖與蒙遜距戰為蒙遜所害先是有燉煌父老令狐熾夢白頭公衣帽而謂熾云云言訖忽不見士業小字桐椎至是而亾

南風動吹長木胡桐椎不中轂

盧元明夢詩

盧元明夢友人王由攜酒就之贈詩言別憶其十字云經三日果聞由卒

自茲一去後市朝不復遊

褚士達夢詩

祖珽省事褚士達夢人倚戶授詩云云以告珽珽占之曰角斗斛字津却

水何留人合成律字非真者謂斛律光于我不實也乃譖殺光

九升八合粟角斗定非真堰却津中水將留何處人

二豎子歌

大業十一年煬帝幸江都是時盜賊蜂起道路隔絕帝夢二豎子歌云云由是

築宮丹陽將居焉功未就而被弑

住亦死去亦死未若乘船渡江水

相輪鈴音

劉曜攻洛陽石勒將救之羣下咸諫以為不可勒以訪佛圖澄澄曰相輪鈴音

云云此偈語也支秀軍也替戾岡出也僕谷劉曜胡位也劬禿當捉也軍出當捉得曜勒遂赴洛距曜果生擒之

秀支替戾岡僕谷劬禿當

桐謠

句章吳平州門前忽生一株青桐樹上有謠歌之聲平惡而砍殺平遣軍比虜首尾三載

死桐斂自還立於故根上聞聲樹巔空中歌云云平尋歸如鬼謠

死樹今更青吳平尋當歸適聞殺此樹已復有光輝

鐵臼歌

桃李花嚴霜當奈何桃李子嚴霜落已

牛言

晉惠帝大安中江夏張騁所乘牛言云云騁懼而還犬復迎謂曰歸何蚤也是年張昌反先畧江夏騁為將帥卒以族滅

天下方亂乘我何之

犬妖歌

嘉興縣朱休之有一弟宋元嘉中兄弟對坐家有一犬來向休之蹲遍視二人遂搖頭而笑云云其家驚懼斬犬榜首路側至來歲梅花時兄弟相鬪弟奮戰傷兄官收治並被囚繫經歲得免至夏舉家時疾母及兄弟皆死

言我不能歌聽我歌梅花今年故復可奈汝明年何

鳥妖詩

陳之將亡有鳥一足集其殿庭以觜畫地成文云云及後主至長安館於都水臺其言始驗

獨足上高臺茂

一作盛

草變為灰欲知我家處朱門當水

開

九里亭女歌

吳縣費升為九里亭吏夜有女子來寄宿升彈琵琶女和歌云云及明為羣狗嚙死乃大狸也

精氣感冥昧所降若有緣嗟我邁良契寄欣宵夢間

其一

成公從弦超蘭香降張碩荷云冥分結纏綿在今夕

其二

佇我風雲會正俟今夕遊申心雖未久中念已綢繆

其三

白燕歌

孫妻黃氏見一童子當前以釵擲之躍入雲中夜半聞外歌云云明日尋覓巢中得一白燕其左目有傷焉

昔填夏家塚輦泥頭欲禿今寄黃氏居非意傷我目

鸚鵡歌

大業中王度宿長安主人有婢名鸚鵡頗端麗度疑其非常引古鏡照之婢不能自匿乃索醉起舞歌竟化為狸而死

寶鏡寶鏡哀哉余命自離我形於今幾姓生雖可樂死亦何傷無為眷戀守此一方

魚腹文

晉元熙中桂陽郡有老翁垂釣遇大魚掣綸引之並為綸所纏而死魚腹有文云

我聞曾潭樂故從檐潭來礫死敝老翁持釣數見欺好食赤鯉鱠今日得汝為

木客詩

上洛山中多木客乃鬼類言貌似人能斫杉枋與人交易嘗就民間飲酒為詩云

酒盡君莫沽壺乾我當發塵市多置鬻還山弄明月

賣鬼語

南陽宗定伯夜行忽逢一鬼問伯為誰伯給之曰我亦鬼也乃為侶向宛行倦因

相擔問鬼曰鬼何畏曰鬼唯不喜唾耳比至宛便擔鬼著頭上詣市鬼即化為羊伯恐其變遂唾之賣得錢千五百買者將還繫之明日唯有繩在時人語曰

宗定伯賣鬼得錢千五百

新刊古詩集

卷十一

百一

國





#811.12  
2342